

**UDALBATZAK 2009KO AZAROAREN 27AN EGINIKO OHIKO OSOKO BILKURARI DAGOKION
AKTA**

Errenteriako Udaleko bilkura-aretoan, bi mila bederatziko azaroaren hogeita zortziko 08:30 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M^a del Mar CARRILLO GASCON
- Silvia ASTORGA MARTINEZ
- Jesus OFICIALDEGUI RUIZ
- Joseba ECHARTE MARTIN
- Jose Angel RODRIGUEZ MEDINA
- Mikel DURAN GONZALO
- Juan Carlos MURUA ROMA

(Jakinarazten dut bilkuratek Gai Zerrendako 5. puntua eztabaidatu eta bozkatzeko garaian alde egin duela).

- Itsasne ALVAREZ DE EULATE LASA
- Luis Santiago ANGULO MARTIN
- Agustina Ana CANO CERREIJO
- Iñaki QUERALT COIRA
- Gorra MAUDES MIGELTORENA
- Maite PEÑA LOPEZ
- Venancio GRAVINA ESNAL
- Jose Manuel FERRADAS FREIJO
- Jose LEGORBURU AYESTARAN
- Lucia PERALTA RODRIGUEZ
- M^a Angeles BASTOS FERNANDEZ
- Joxe BURGOS VIÑARAS

Era berean, bertan dago udal kontu-hartzaile Jose M^a ARENZANA GARCIA jauna (Jakinarazten dut Gai Zerrendako 5. puntuan bilkuratek alde egin zuela).

Bertan dago ere, egintzaz fede emateko, Francisco Javier LESCA EZPELETA idazkari jauna.

* Angulo jaunak (atxiki gabeko zinegotzia) esan du UAOak araudiari buruz gazteleraz zera adierazten duela: *"Con la convocatoria del Pleno se facilitará el Orden del Día y los borradores de actas de sesiones anteriores que van a ser aprobados. La convocatoria del Orden de Día y*

borradores de actas deben ser notificados a los concejales en su domicilio". Eta gero, ROF-en 80. art.ak zera jartzen duela: "*entre la convocatoria y la celebración de la sesión no deberán transcurrir menos de dos días hábiles, salvo en el caso de sesiones extraordinarias*". Beraz, esan nahi du berak bezpera-eguardian deialdia soilik jaso zuela. Ez du ez aktarik, ez dokumenturik, ezta ezer bestelakorik jaso. Horregatik, araudian esaten dena errespetatzen ez delako, bere kexa azaltzea nahi du.

* Merino alkate jaunak (Socialistas Vascos-Euskal Sozialistak) esan du ez dela errespeto kontua, jarrerarena baizik. UAOak -dio- bestelako gauzak ere esaten ditu, esaterako, oporretan izan ezik, ohiko osoko bilkura guztiak hileko azkeneko ostiraleko goizeko 8:30ean izango direla. Gaineratu duenez, aditu nahi ez duenak ez du aditzen, eta aurkitzea nahi izatea ez duena, izaten da gutxien aurkitzen dena, esan du. Eurek jakinarazpenak beti bezala egiten saiatu dira. Berak ez du zinegotziei dokumentuak entregatzeko detektibe pribatuak jartzeko asmorik. Uste du dokumentuak ez jasotzeko arazoa, jaso behar dituenak egin beharrekoak ez dituelako egiten ematen dela, are gehiago legegintzaldiaren hasieratik bilera mota horien eguna eta ordua noiz izango den badakienean. Hortaz, osoko bilkura hori legeak dioena betez deitua dago, eta beraz, legez eraturia. Horregatik, bere iritziz, ez dago ezer argitu beharrik. Bera harriturik dago bi joko klase egiten direlako, hots, alde batetik jarrera ona, ulermena, forma egokia eta "roilotoxa" eskatzen da, baina gero, egiten dena egiten da. Horrela, berak gai zenbaiti buruz zalantza asko baldin baditu, honek are gehiago sortzen dizkiola, esan du.

1. Udaltzako 2009ko ekainaren 26an eta irailaren 25ean eginiko ohiko bilkurei dagozkien akten irakurketa eta onespina, bidezkoa bada.

Idazkariak 2009ko ekainaren 26an eta irailaren 25ean eginiko ohiko bilkurei dagozkien aktak irakurritakoan.

* Cano andreak (atxiki gabeko zinegotzia) adierazi du berak ez duela aktarik jaso eta arrzoi horregatik ezin izango duela bozkatu.

Mintzaldia amaitutakoan.

Udaltzako, gehiengoz, aldeko 15 botorekin (Socialistas Vascos-Euskal Sozialistak, EAJ/PNV, Ezker Batua-Berdeak, PP eta Alkarbide) eta 6 abstentzioz (atxiki gabeko zinegotziak),

E R A B A K I D U

- **Onartzea** 2009ko ekainaren 26an eta irailaren 25ean eginiko ohiko bilkurei dagozkien aktak.

2. Alkateak emaniko ebazpenen (1510 zk.tik 1603 zk.ra, biek barne), zinegotzi ordezkariak (1635 zk.tik 1805 zk.ra, biek barne) eta Tokiko Gobernu Batzarrak emanikoan berri ematea.

Idazkariak Alkateak emaniko ebazpenen (1510 zk.tik 1603 zk.ra, biek barne), zinegotzi ordezkariak (1635 zk.tik 1805 zk.ra, biek barne) eta Tokiko Gobernu Batzarrak emanikoan berri eman du.

Ondoren, Queralt jaunak (atxiki gabeko zinegotzia) esan du zinegotzi-ordezkarien ebazpenen artean, zehazki 1.713tik aurrerako dezentetan, denetan, arrazoi ezberdinengatik, suspentsioren berri ematen da. Esaterako, lehenengoan zera esaten da: "*suspender a (¿?) la ayuda social en concepto de arrendamiento*". Hurrengoa ere berdina da. Uste du guztiak lotuta egongo direla AES delako diru-laguntzekin. Orduan, azkeneko Gizarte Ongizate batzordean esan zieten eskaera guztiak tramitatzen ari zirela eta printzipioz bazegoela nahiko aurrekotu denak aurrera eramateko. Orain deigarria egin zaie hainbeste ezezko emateak, eta horregaitk hori argitzea nahi dute.

* Merino alkate jaunak (Socialistas Vascos-Euskal Sozialistak) erantzun du jakinarazten dena, egindako tramitazioarena dela argi eta garbi. Berak, irakurritakoa entzun ondoren, ez du xehetasunen berririk. Orduan, gaiak Gizarte Ongizatekoak baldin badira, sail hartan eskatu beharko dituela eskatu beharreko argibideak, esan dio. Gaineratu du, han ez direla espedienteak onartzen ari, ezta edukia juzgatzen edo aztertzen, gai ezberdinekin espediente zenbaiten berri ematen baizik.

* Queralt jaunak (atxiki gabeko zinegotzia) esan du berak ez duela epai bat egitea eskatzen, gai horren inguruan bere harridura azaldu nahi du soilik. Izan ere, ez baitira bat edo bi, asko baizik. Eta printzipioz, eurek jasotako iritzien arabera, bazegoen nahiko aurrekontu diru-laguntza horiek emateko. Orduan, jakin nahi dute ea norbaitek esango dien zergatik gertatu den hori.

* Merino alkate jaunak (Socialistas Vascos-Euskal Sozialistak) adierazi du ez diola ulertu. Halere, han ez daude azalpenak emateko, hori sail bakoitzean egiten da, gaineratu du.

Mintzaldiak amaitutakoan.

Udalbatza jakinaren gainean geratu da.

3. Auzitegi Gorenak emaniko epaiaren berri ematea, Luis Santiago Angulo Martin jaunak eta besteek 2005eko Aurrekontu Orokorren behin-betiko onespren-akordioari tarteratutako 6275/2007 kasazio-errekurtsoari dagokiona.

Idazkariak jakinarazi du Auzitegi Gorenak, Luis Santiago Angulo Martin jaunak eta besteek 2005eko Aurrekontuaren behin-betiko onespren-akordioari tarteratutako 6275/2007 kasazio-errekurtsoa dela-eta, emaniko epaia. Honek hitzez hitz zera dio:

"Ez da bidezkoa 6275/2007 zk.ko kasazio-errekurtsoa, Luis Santiago Angulo Martin, Oroitz eta Eneritz Gurruchaga Gogorza eta Langile Abertzaleen Batzordeak-ek (LAB) Euskal Herriko Justizia Gorenaren Administrazioarekiko auzien Salak bi mila zazpiko azaroaren bostean emaniko epaiaren aurka tarteratua, zeina 2005eko 1167 zenbakiko administrazioarekiko auzien errekurtsoan emana baita, hain zuzen prozesu-ordezkaritzak ondorioztatua, Errenteriako Udaleko Udalbatzak bi milako maitzaren hogeita seiko ebazpenaren bidez atzera bota zuelako, Udalbatzak bi mila bosterako Aurrekontua behin-betikotasunezko onespren-akordioaren aurka tarteraturiko birjarpen-errekurtsoa. Guk hura baieztatzen dugu eta kostuak errekurtsogileen gain izango direla adierazten, beti ere Epaiaren zortzigarren zuzenbide-argudioan ezartzen diren mugak kontuan izanik.

Hori jasotzen dugu gure epai honetan, Legedi-bilduman jasoko dena, eta halaxe adierazi, agindu eta sinatzen dugu".

* Ondoren, Murua jaunak (atxiki gabeko zinegotzia) esan du bere garaian egindako eskaeraren helburua -ikusita urte hartako aurrekontuan dirua ez zela bideratu helburu horretara- Babes Ofizialeko Etxebizitzak egitekoa zen. Eta eskaera egin zuten kontuan izanik Legean jasotzen duelako helburu horrek lehentasuna duela, baina epai horren bidez ikusi dute Botere Judizialak ere eraikitzaileekin bat egiten duela. Azken finean, zalantzan ipintzen du etxebizitza izateko jendearen eskubidea. Horregatik bere harridura azaldu nahi du.

* Merino alkate jaunak (Socialistas Vascos-Euskal Sozialistak) erantzun du, berak ez dakiela epaiak eraikitzaileei arrazoia ematen dien edo ez, baina bai 2005eko Aurrekontua behin-betikotasunez onartzen duela.

Mintzaldiak amaitutakoan.

Udalbatza jakinaren gainean geratu da.

4. 2010eko Ordenantza Fiskalei eginiko alegazioaren ebazpena eta behin-betikotasunez onartzeko proposamena.

Aurtengo urteko irailaren 25eko osoko bilkurak behin-behinekotasunez onartu zuen 2010erako Ordenantza Fiskalak aldatzeko proposamena. Aldaketa guztiak espedientean, **eranskin gisa**, jasotzen dira.

Aldaketa horiek 2009ko urriaren 6an jendaurrean jarri ziren 30 lanegunez, beti ere horretarako iragarkia GAOn, 139 zk.an, argitara eman osteko hurrengo lagunetik aurrera.

Jendaurrean egondako garaian, hau da, 2009ko urriaren 7tik azaroaren 11ra (biak barne), 14.007 zk.ko sarrera-erregistrodun alegazioa bakar bat egin dute.

Udal kontu-hartzaileak 2009ko azaroaren 13an gaiari buruzko txostena egin du.

"1. Udalbatzak 2009ko irailaren 25ean eginiko osoko bilkuran onartu zituen hasierako izaeran 2010eko Ordenantza Fiskalen aldaketa.

Erabaki hori urriaren 6an argitara eman zen Gipuzkoako Aldizkari Ofizialean, 139 zk.an, Udal honetako iragarki-oholean eta herriko prentsan.

Jendaurrean egondako garaian (urriaren 7tik azaroaren 11ra, biak barne) alegazio bakar bat egin dute, hain zuzen erregistro-sarrerako zenbakia 14.007 duena.

2. Alegazio honek Ordenantza fiskalen atal hauei egiten die erreferentzia:

a) Estolderia eta Ur-horniketa.

Atal honi dagokionez esan beharra daukat Estolderia eta Ur-horniketari dagokion Ordenantza ez dela aldatu 2010erako, beraz honen kontrako alegazioak ez du zentzurik.

b) Bide publikoan abandonatu edo aparkatutako ibilgailuak erretiratzeko (Garabia) alegazioak hitzez hitz zera dio:

"Uztailaren 5eko 11/98 Foru Araudiaren 24 artikulua esaten duenaren arabera, Udalek ezin dute kobratu, ematen dituzten zerbitzuen truke, beroriek sortzen duten gastua baino gehiago. 2010. urterako Ordenantza Fiskalen txostenean adierazten den moduan, zerbitzu gehienekin benetako kostua baino gutxiago jasotzen da, eta beraz, defizita eragiten dute. Ur eta Estolderia eta Garabiarekin, ordea, kontrakoa gertatzen da, hots, zerbitzuek duten kostea baino diru gehiago jasotzen da, hain zuzen, %6a batean eta %28a bestean. Beraz, eta aipatu artikulua dioena betetzeko, Ur eta Estolderia eta Garabiaren zerbitzuei buruzko tarifak aldatu eta txikiagoak jarri beharko lirateke.

Honen inguruan nik zera adierazten dut:

a) Aitatzen den 24. artikulua, hitzez hitz, zera dio:

"1. Zerbitzu bat ematearen truke edo jardueraren bat burutzearen truke ezarri beharreko tasaren zenbatekoak ezin izango du, batera hartuta, delako zerbitzu edo jardueraren benetako edo aurreikusitako kostua gainditu. Kostua zehazteko, zerbitzu edo jardueraren guztirako kostuaren sortzapen-gai izan diren zuzeneko zein zeharkako gastuak hartuko dira kontutan, baita kontribuzio berezien bidez ordainduak izan ez diren finantza izaerakoak, ibilgetuen amortizazioa eta ezargarri izan daitezkeen orokorrak, guzti hori, edozein delarik ordaintzeko erabiltzen den aurrekontua edo gain hartzen dituen erakundea.

2. Zerga-kuotak, dagokion Ordenantza Fiskalak ezarritakoari jarraiki, barne hartuko ditu:

a) Tarifa bat ezartzetik ateratzen den zenbatekoa.

b) Horretarako ezarritako zenbateko finkoa, edo

c) Prozedura biak batera ezartzetik ateratzen den zenbatekoa.

3. Tasen zenbatekoa zehazteko, ordaintzera behartutako subjektu pasiboan ahalmen ekonomikoari buruzko irizpide orokorrak hartu beharko dira kontuan".

Hori kontuan izanik esan beharra daukat ez dela hausten 24 artikulua, 10 eta 11 orrialdeetan, ezartzen duena, "2010eko ordenantzen aldaketaren inguruko txosten eta azterlan ekonomikoan" jasota geratzen den bezala, 2009ko irailaren 11koa.

d) Kirol instalakuntzen zerbitzua.

Alegazioak hitzez hitz, zera dio:

"Zerbitzu bera ematearen truke tasa desberdina kobratzen da, eta horrek berdintasun-oinarria urratzen du. Beraungo 7. futbol-zelaia alokatzearen truke kobratzen dena eta Fanderiako alokatzearen truke kobratzen dena ez da zenbateko berdina; horrenbestez, diskriminazioa eragiten zaie Fanderiako erabiltzaileei. Hortaz, diskriminaziorik izan ez dadin zenbateko berbera ordaindu behar da bi tokietan, hau da, Beraungo prezioa Fanderian ere jarri behar da.

2010. urterako, bi tasa sortu behar dira kirol-instalazioetan; bata udal-pilotalekukoa eta bestea Fanderiako tenis-pistakoa. Ezin da jakin bi instalazio horien prezioak bat ote datozen lehen puntuan adierazitako foru-arauaren artikulua horretan ezarritakoarekin, espedientean ez baita inolako txosten ekonomikorik txertatu".

Alegazio horri erantzuteko, adierazi behar dut lehen aipatutako "Txosten eta azterlan ekonomikoak" txostenaren 8. orrialdean proposatutako gehikuntza justifikatzen duen azterlan ekonomikoa bildu dela. Dena den, informazio gehiago ematearren, Kirol Patronatuko gerentearen txostena erantsi dut.

3. Beraz, adierazitako guztia kontuan izanik, erreklamazioa ez onartzea proposatzen dut.

Ogasuna batzordearen proposamena ikusitakoan.

Mintzatu dira:

* Murua jaunak (atxiki gabeko zinegotzia) adierazi du alegazioa gaia berriro osoko bilkuran eztabaidatu zezaten egin zutela. Horrela, kontuaren muina ez da erreklamazioan jasotzen diren puntuak, Udalak 2010erako onartu duen zerga-politika baizik. Izan ere, berori ez baitator bat une horretan bizi duten errealitate ekonomikoarekin, eta ondorioz, egoera eskasean dauden herritarrentzako ahalegin handiagoa suposatzen baitu. Berak jakin duenez, Administrazio Publikoko departamentu zenbaitetan 2010erako soldata-igoera onartu dute, eta hori %0,3 ingurukoa izan da. Aldiz, Udal honek %3 inguruko igoerak egiteko apustua egin du, eta horrek herritarrei kaltea eragiten die. Alegazioei dagokionez, berriz, Uraren tasaren inguruan, balorea bere horretan uzten delako, ezin diotenez erreklamaziorik egin, bere irudiko tranpa txiki bat egiten da, zeren eta, bere horretan uzten bada, ekitaldi horretan tasa dela medio jasotakoa kostua baino handiagoa dela ikusi delako da, eta hori Foru Arauaren aurkakoa da, esan du. Kirol instalakuntzei dagokionez, berriz, uste du diskriminazioa ematen dela instalakuntza zenbaitetan ibiltzeko garaian. Hots, Fanderiako 7 laguneko futbol-aretoa baliatzeari buruz ari da, izan ere, tasa ordaintzeko orduan

egiten den diferentzia bakarra, instalakuntza hori zazpi jokalarientzat bakarrik denean egiten da. Eta horretarako aipatzen den argudio bakarra, Fanderiako instalakuntzak Beraungoak baino kostu handiagoa duela esaten da, errealitatean eragina bertan antolatzen direnen jarduera bakar batean duelarik. Bere aburuz, logikoena jarduera guztietan eragitea izango litzateke.

* Merino alkate jaunak (Socialistas Vascos-Euskal Sozialistak) esan du, bere garaian, Tasak eta Prezio Publikoak batzordean zein osoko bilkuran eztabaidatu zituztela, eta bertan, argudiatu beharrekoa argudiatu zuten. Orain alegazio batzuk dituzte eta horiei erantzuna ematen ari zatzaie. Horrela, alegaziogileek irizpide bat dute, aldiz, txostenak esaten duena esaten du eta, alegazioak atzera botatzeko dio. Horixe dago dagoena, gaineratu du.

Mintzaldiak amaitutakoan.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, PP eta Alkarbide), 6 boto aurka (atxiki gabeko zinegotziak) eta 2 abstentzioz (Ezker Batua-Berdeak),

E R A B A K I D U

1. Atzera botatzea Ura eta Estoledia, Garabia eta Kirol instalakuntzei buruzko tasen inguruan eginiko alegazioa.
2. Behin-betiko onespina ematea 2010eko Ordenantza Fiskalen aldaketari, espedienteari gehitu zaion zerrendaren arabera.
3. Gipuzkoako Aldizkari Ofizialean argitara ematea 2009ko Ordenantza Fiskaletan eginiko aldaketa guztiak.

5. Proposamena: Udal honek 2008-12-31n zeukan Ondare eta Eskubideen Inbentarioaren zuzenketa-onespena.

2003ko apirilaren 25eko Udalbatzak onartu zuen 2002ko abenduaren 31ko Udalaren Ondasun eta Eskubideen Inbentarioaren zuzenketa.

2003ko ekainaren 27ko Udalbatzak, halaber, onartu zuen 2003ko martxoaren 31ko Inbentarioaren zuzenketa.

2005eko apirilaren 29ko Udalbatzak onartu zuen 2004ko abenduaren 31ko Udalaren Ondasun eta Eskubideen Inbentarioaren zuzenketa.

2007ko apirilaren 27ko Udalbatzak onartu zuen 2007ko martxoaren 31ko Udalaren Ondasun eta Eskubideen Inbentarioaren zuzenketa.

2008ko maiatzaren 30eko Udalbatzak onartu zuen 2007ko abenduaren 31ko Udalaren Ondasun eta Eskubideen Inbentarioaren zuzenketa.

Kontratazioa eta Ondarea Saileko arduradunak gaiari buruzko txostena egin du.

Lehendakaritza eta Barne-antolaketako batzordeburuaren proposamena ikusitakoan.

Mintzatu dira:

* Ferradas jaunak (Ezker Batua-Berdeak) adierazi du jada, zegokion batzordean, eskatu zuela auditoria-enpresak 2008ko abenduaren 31ko egoera-balantzeari buruz eginiko txostena. Bere aburuz, horrek oposizioarentzat lan-gida izan behar du, baina halaber, Gobernu Taldearentzat ere oinarritzko lan-gida izan behar du. Jarraian, txosten horrek, 10. orrialdean, dioena hitzez hitz irakurri du: "... udal ondarearen inbentarioan eginiko eguneratzeak funtsean udalaren lurzoru-ondarearen ingurukoak dira, eta horregatik aurrekontuan eginiko mugimendu gehien-gehienak ez daude inbentario horretan jasota". Irakurtzen jarraitzen badute, zera dio: "... Era berean, 2007ko abenduaren 31ko udal inbentario horrek ez ditu jasotzen udal eraikinetan dauden elementuak, esaterako, tresneria, altzariak, makinaria edo informazioa prozesatzeko ekipoa eta Udalaren Ur-sarea". Paragrafo horiek irakurri ostean, Alkateari zera galdetu nahi dio: ea afera hori zuzendu duten edo gaur osoko bilkurara ekarri duten proposamenak auditoriaren txostenak jasotako akats berak dituen. Izan ere, ondareetan jasoko diren ondasunei buruz eginiko txostena hartzen badute, ikusten dute udalaren lurzoru-ondarearekin zerikusia duten partzelak baino ez dituztela gehitu. Horregatik, alde bozkatuko balute, lehengo akats berdinak egingo lituzkete, eta 2009ko abenduaren 31n auditoriak egingo duen txostenean, ziur aski, lehen aitatu dituen gabezia berak adieraziko dizkiete. Eta lehengoa zuzendu ez denez, ez dute alde bozkatzeko arrazoirik ikusten. Edonola ere, eskatzen du inbentarioa auditoria enpresak adierazi bezala egiteko.

* Merino alkate jaunak (Socialistas Vascos-Euskal Sozialistak) erantzun du, Ondare Saileko arduradunaren txostenaren arabera, hau da dagoena, eta berak horixe ekarri du osoko bilkurara. Hobetu baldin badaiteke, uste du, eginez joango direla.

Mintzaldiak amaitutakoan.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, PP eta Alkarbide) eta 7 abstentzios (Ezker Batua-Berdeak eta atxiki gabeko zinegotziak),

E R A B A K I D U

1.- **Onestea** 2008ko abenduaren 31ko Udalaren Ondasun eta Eskubideen Inbentarioaren zuzenketa, espedientean eranskin gisa jaso.

2.- Gipuzkoako Foru Aldundira **bidaltzea** Inbentario-zuzenketa horren kopia bat, Idazkari Orokorrak baimendu eta Alkate-Lehendakariak emandako oniritziarekin, Toki-erakundeen Ondasunei buruzko Araudiaren 31. artikulua agintzen duenari jarraiki.

* Itsasne Alvarez andreak (atxiki gabeko zinegotzia) esan du Galdera-eskaerak puntuaren aurretik nahi dutela, premiazko prozedura baliatuz, Gaztañoko auzokideek eskatu dieten mozioa sartzea.

* Merino alkate jaunak (Socialistas Vascos-Euskal Sozialistak) adierazi du Gaztaño auzoko bizilagunek, duela egun zenbait, mozio bat aurkeztu zutela, eta Bozeramaileen batzordeak jakinarazi zuen bezala, aitatzaren kontu guztiak hirigintzarekin zerikusia dute. Horregatik, erabaki zuten kontua Hirigintza batzordera bidali eta han eztabaidatzea. Gaineratu duenez, denek badakite mozio batekin ez litekeela Plan Orokorra edo ezer antzekorik aldatu. Beraz, bada, ez liteke antzeko gaien inguruan mozio berri bat aurkeztu, are gutxiago jada Hirigintza Sailean ildo bereko beste bat aurkeztuta dagoenean. Horregatik, ez du onartuko presazko beste moziorik.

* Itsasne Alvarez andreak (atxiki gabeko zinegotzia) esan du mozio berri bat dela, eta, berriro eskatzen dio, presazko prozedura bozkatzeko.

* Merino alkate jaunak (Socialistas Vascos-Euskal Sozialistak) adierazi du mozioa osoko bilkurara jaitsi baino minutu bi lehenago ikusi duela -inork ez du begirunerik izan Alkateari kopia bat emateko-. Haren aburuz, ez da ez lehengoaren kalkoa, baina kontu berak aitatzaren ditu. Gaineratu duenez, tramitatuko balute -berak aurka bozkatuko du-, emaitza berdina aterako litzateke: Hirigintzara bidaltzea, alegia.

Mintzaldiak amaitutakoan.

Jarraian, Alvarez de Eulate andreak (atxiki gabeko zinegotziak) eskatuta, Gai Zerrendan premiazko prozedura baliatuz sartzeko, Gaztaño auzoko bizilagunek aurkezturiko mozioa bozkatu dute.

Udalbatzak, gehiengoz, aldeko 8 botorekin (Ezker Batua-Berdeak eta atxiki gabeko zinegotziak), aurkako 10 botorekin (Socialistas Vascos-Euskal Sozialistak eta PP) eta 3 abstentzioz (EAJ/PNV eta Alkarbide),

E R A B A K I D U

- **Atzera botatzea** Gaztaño auzoko bizilagunek, premiazko prozedura baliatuz, Gai Zerrendan sartzeko aurkezturiko mozioa.

6. Galdera eta eskariak.

* Ferradas jaunak (Ezker Batua-Berdeak) adierazi du, hil horren 16an ezohiko osoko bilkuran hartutako akordioaren arabera, ikerketa-batzorde bat eratu edo ez txosten tekniko bat egiteko geratu ziren. Eta, kontua udalbatza hartan edo abendukoan ikusteko geratu zirenez, Alkate jaunari galdetzen dio ea txosten hori zertan dagoen.

* Merino alkate jaunak (Socialistas Vascos-Euskal Sozialistak) erantzun du Idazkariak txosten bat egin duela, baina berak aztertzeko lain denborarik izan ez duenez, ez du ekarri osoko bilkura horretara.

* Jarraian, Ferradas jaunak (Ezker Batua-Berdeak) esan du GKEei 200.000 € diru-laguntzetan emateko deialdia Alkatetza-dekretu bidez egin dela. Era berean, beste dekretu baten bidez, 200.000 € horiek luzaturiko Aurrekontutik, hots, 344 mila euroko partida baliatu dute deialdi horri aurre egin ahal izateko. Edonola ere, ohartu dira diru-laguntzak %40 baino gehiago jaitsiko dituztela. Aldiz, Udalak ematen dituen gainontzeko diru-laguntzak ez dituzte %20 baino jaitsi. Horregatik, jakin nahi du ea zein den arrazoa diru-laguntza hori Udalak ematen dituen besteen bikoitza jaisteko.

* Merino alkate jaunak (Socialistas Vascos-Euskal Sozialistak) arrazoa dirurik ez dagoela da, erantzun du. Gaineratu duenez, ez da egia zenbait partida ez dituztela gehiago jaitsi. Izan ere, bateren bat desagertu baita, esaterako, diru-laguntza zenbait, jarduerak, jarduketak, etab. Azken batean -dio- dena da dirua. Ez dute gogo onez egin, baina erabaki beste erremediorik ez dute izan, besteak beste, Kontu-hartzaileak

kontuak erakutsi zizkielako eta zenbakiak zirenak zirelako. Horrela, batzuek %20 jaitsi dituzte, besteak %40, beste batzuetan portzentaje deskontatu dute, eta 2010ean murrizketak egingo dituzte eta beste batzuk kenduko. Deitoratzen du baliabide gehiago ez izatea, baina horixe da errealitate gordina, esan du.

* Queralt jaunak (atxiki gabeko zinegotzia) esan du duela gutxi prentsa bidez jakin zutela Kultura sailburua etorri zela Torrekua eta San Markoko gotorlekuan egindako berritze lanak ikustera. Orain artean -dio- holako bisitaldietan beti gonbidatu izan dira udalbatzarkideak, orain, aldiz, ez. Orduan, jakin nahi dute zergatik ez diren izan gonbidatuak gainontzeko zinegotziak.

* Merino alkate jaunak (Socialistas Vascos-Euskal Sozialistak) erantzun du, berak, Alkate gisa, gonbidatu zuela Eusko Jaurlaritzaren Kultura Saileko arduraduna, eta berak bidezkoa ikusi zuen hemengo Kulturako ordezkaria etortzea. Gaineratu duenez, lan-bisita bat izan zen, hain zuzen, Eusko Jaurlaritzak San Markorako emandako diru-laguntzak egiaztatzeko. Ez Torrekuarako, nahiz eta komunikabideetan hala jaso. Berak Kultura kontseilaria gonbidatu zuen beste erakundeetatik jasotzen ditugun baliabideak nola baliatzen ditugun erakusteko, eta obrak nola doazen ikus zitzan. Amaitzeko, esan du Alkateak nahi duena gonbidatzeko ahalmena duela, eta kulturarekin zerikusia zuen kontua zenez, hemengo Kulturako ordezkaria gonbidatu zuen. Bere ustez, gainontzeko zinegotziek, kasu honetan, ez zuten ezer aportatzekorik.

* Queralt jaunak (atxiki gabeko zinegotzia) esan du berak bere ezadostasuna aktan jasotzea nahi duela.

* Alkateak jasotzeko esan du.

* Murua jaunak (atxiki gabeko zinegotzia) esan du iraileko udalbatzan eskatu ziotela Alkate jaunari legegintzaldiko planari buruzko informazioa. Urriko udalbatzarrean gauza bera eskatu zioten eta Alkatearen erantzuna hamabost egunetan gauzatuko zela izan zen. Hamabost egun baino gehiago igaro dira, azaroko udalbatzan daudelako, orduan galdera bera egitera behartuta daude: ea noiz egingo duten bilera hori informazio hori jasotzeko, eta zein batzorde izango den informazio hori emango diena.

* Merino alkate jaunak (Socialistas Vascos-Euskal Sozialistak) erantzun du kudeaketa-plana nola dagoen informazioa emango dutela. Gaineratu duenez, aurrekontuekin batera ari dira lanean. Hots: 2009koa ixten eta 2010ekoa egiten. Uste du, hori egindakoa, izango dela una kudeaketa-planaz hitz egiteko. Gainera, uste du lehenago ezin izango dutela. Beraz, erruki du bete ezineko data bat eman izanaz.

* Angulo jaunak (atxiki gabeko zinegotzia) esan du urriko udalbatzan, baldintza guztiak betetzen zituelako, mozio bat aurkeztu zutela. Gaia Alkatearen protokolo-buruak eta ingurukoek egiten duen lana aztertzeke zen. Alkateak erantzun die, eta eskertzen dute, baina eurek uste dute mozio hori Udalbatzan ikusi behar dela. Orduan, jakin nahi dute, baldintza guztiak betetzen dituztenez, noiz ikusiko duten mozio hori udalbatzan.

* Merino alkate jaunak (Socialistas Vascos-Euskal Sozialistak) erantzun du berak askotan esan duela ez duela protokolo-bururik, Alkateak buru dela duena, eta Alkateak egitea nahi dituen eginkizunak egiten dituela. Horixe du esateko eta horrelaxe jarraituko du aurkakoa esan diezaiokeenak besterik esaten ez dion bitartean. Kontu hori osoko bilkuran ikusi behar dela esango diote, baina bera ez dago prest Udaleko langile bakoitzak zer lan egin behar duen udalbatzaren baitan jartzeko.

* Angulo jaunak (atxiki gabeko zinegotzia) esan du kalean herriaren kontura jarri diren iragarki-panel berri horietan akatsak daudela euskarazko testuan, Euskara batzordean esan zuten lana korrika eta presaka egin zelako zela. Orduan, berak jakin nahi du ea gaizki egindako lana enpresak zuzendu eta planoak ondo egin eta euskaraz ondo jartzea exijituko zaion. Eta bigarrena, zergatik azaltzen den Errenkoalderen izena Udalak ordaindutakoa baldin bada.

* Merino alkate jaunak (Socialistas Vascos-Euskal Sozialistak) erantzun du esan diotela euskaraz akatsen bat badagoela, eta uste duenez ez dela bakarra, enpresarekin harremanetan jarri dira akatsak zuzentzeko. Gainontzekoari dagokionez, berriz, esan du Trafiko Sailak bideratutako kontua dela, eta beraz, bertan galdetu beharko dutela zergatik azaltzen den Errenkoalde izena.

* Cano andreak (atxiki gabeko zinegotzia) esan du buzoneatu dela loteriarekin batera garaje-plaza bat doan toka ziezazukeela lehenengo sari

gisa, eta bigarren saria eskuratuz gero, %40 deskontua, etab. Orduan, berak jakin nahi du ea propaganda hori Erretereria Garatuzena den.

* Alkateak erantzun du uste duela Erretereria Garatuzen logoa ikusi duela, eta beraz, Erretereria Garatuzena izango dela.

* Cano andreak (atxiki gabeko zinegotzia) horixe da, hain zuzen, jakin nahi duena, esan du.

* Merino alkate jaunak (Socialistas Vascos-Euskal Sozialistak) erantzun du, beste hainbat gauza bezala, berak ez dakiela. Ikusten denez, zinegotziren batek nik dena dakidala uste du. Bera ez da dena dakien Jainkoa. Ez da eta ez du izan nahi ere. Gaineratu du, euskarari dagokionez, hori etorri zaiolako lehenbiziko burura, badaki Euskara Sailak liburuak ematen dituela Eguberri inguruan; ikastetxeekin harremanetan jartzen dela eta 0-3 urtekoentzako kanpainak egiten dituela, etab. Baina berak ez daki gauza guzien berri, eta ez du zergatik jakin beharrik ere. Amaitzeko, esan du, gauza horien berri jakin nahi izanez gero, Erretereria Garatuzera jotzeko, honek eskuduntzak dituelako.

* Cano andreak (atxiki gabeko zinegotzia) esan du, eurek han galdetu badute, bera (Merino jauna) presidentea delako dela. Gainera, bera propaganda horrekin harrituta geratu da.

* Merino alkate jaunak (Socialistas Vascos-Euskal Sozialistak) erantzun du Alkateak edo Presidenteak jakin beharrekoak dakizkiela. Izan ere, ezinezkoa zaio urratsez urrats departamentu guztietan ebazten diren gauzak jakitea.

* Maudes jaunak (atxiki gabeko zinegotzia) esan du aurtengo ordenantza fiskaletan kirolari federatuek kirol instalakuntzetan ibiltzeagatik ordaindu beharreko tasa berri bat azaltzen da. Orduan, berak jakin nahi du ea zenbat diru jaso den eta hori nola kudeatu den.

* Merino alkate jaunak (Socialistas Vascos-Euskal Sozialistak) uste du galdera-eskarien puntua zertan datzan argitu beharko duela. Izan ere, ez baitu balio edozein gauza galdetzeak. Erantzuna baldin badaki, ez du sekulan eman ezetzarik. Ez baldin badaki, idatziz galdetzeko esango die. Gero galdetuko du eta erantzuna emango, baina Maudes jaunak (atxiki gabeko zinegotzia) eginiko galderari dagokionez, berriro dio, ez dakiela eta ez duela zergatik jakinik. Hori Kirol Patronatuan galdetu behar duzu, esan

dio. Gaineratu du badirudiela berak ez dituela erantzun nahi, baina galdera horiek ez daude nire eskuetan, esan du. Bide normala, dagokion departamentuan egitea da, esan du.

* Alvarez de Eulate andreak (atxiki gabeko zinegotzia) esan du, beste pertsonengan delega dezakeelako, Alkateak ez duela zertaz galdera guztiak erantzun. Eta bertan daudenez delegatu guztiak, eta horiek jakingo dutelako zer egiten den eta zer ez, galderak, horiei pasa diezazkiokeela esan dio. Hori, ekarpen modura edo, esaten dio.

* Merino alkate jaunak (Socialistas Vascos-Euskal Sozialistak) esan du eskertzen duela ekarpen hori, baina uste du delegatuek ez dituztela datu guztiak buruan edukiko. Horrela, delegatuak erantzuna jakin izan balu, ez zukeen erantzuteko eragozpenik izango, esan du. Berak datu asko eman ditzake, baina bere garaian eta eran. Gaineratu duenez, Alvarez de Eulate andreak (atxiki gabeko zinegotzia) arrazoia du delegatuak informazioa eman dezakeela esaten duenean, baina galdera alde zurretik jakin behar dela, esan du.

Jarraian, Gaztañoko Auzo Elkarteko presidentea, auzo horretako auzokideak eta Alkatearen artean eztabaidan aritu dira Gaztaño auzoko hirigintza-aferei buruzko mozioa, presazko prozedura bidez, Udalbatzak Gai Zerrendan sartzea ez duelako onartu.

Mintzaldiak amaitutakoan.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 09:40 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiatzatzen dut.